

Nome:..... Clase:

¡Escomienza la función!

1

Tolos años, la UNESCO señala'l 21 de febreru como'l **Día de la Llingua Materna**. Pa festexalu, convidámosvos a ver la obra El viaxe de Covaletti, de la compañía Higiénico Papel Teatro.

Esta obra ganó'l Premiu Nel Amaro de Teatru Profesional en Llingua Asturiana y Gallego-Asturianu nel añu 2020.

Recuerda que la obra pue vese en Youtube por cortesía de PlayPresta y la Estaya de Llingua d'Avilés, por si la quies buscar pa volver a vela en casa cola familia.



¡Que vos preste!

¿Atendisti pa la obra? ¡Hai que velo!

ACTIVIDAD 1

Daríeste cuenta de que n'El viaxe de Covaletti hai un actor solu que fai dellos personaxes diferentes. ¿Cómo s'arregla pa que nos deamos cuenta de cuándo ta interpretando a ún y cuándo a otru?

.....

.....

.....

.....

.....

.....



ACTIVIDAD 2

Pon una x nel cuadráu que correspuenda según l’afirmación seya verdadera o falsa

	Verdadera	Falsa
1. Covaletti ye'l que cunta la historia		
2. Na estación de serviciu fai muncha calor		
3. Na estación de serviciu nun para la xente porque hai munches per ehí cerca.		
4. La historia d’El viaxe de Covaletti trescurre n’Europa		
5. El rei d’Hermetia desconfiaba de los estranxeros		
6. El vieyu Ismael manda a Covaletti a buscar un médicu a un hospital.		

ACTIVIDAD 3

Corrixi les afirmaciones que seyan falses del cuadru d’arriba.

.....

.....

.....

.....

.....

.....

ACTIVIDAD 4

Contesta coles tos palabres a estes preguntes sobre la obra:

1. ¿Cómo describe'l narrador el reinu d'Hermetia? ¿Crees que se paez dalgo a Asturias?

3

2. ¿Por qué el rei d'Hermetia nun quería que'l país saliera nos mapes?

3. Cuando diba navegando pa Balonia, ¿cómo supo Covaletti que taba cerca yá de la costa? ¿Qué animal-y dio la pista?

4. Esplica qué tenía d'especial el llibru que Lavinia-y da a Covaletti. ¿Por qué quedó decepcionáu al velu? ¿Cómo ayuda a resolver el problema de la princesa?

Vamos texer redes

Na obra salieron delles coses que seguramente te suenen d'otres coses que lleisti, o de veles en clase. Y ye qu'una llingua y les sos obres lliteraries nun valen namás pa comunicanos y pasalo bien, tamién se puen aprender munches coses con elles. ¡Vas velo!

4

ACTIVIDAD 5

El narrador diz que'l país d'Hermetia ta nel Mar Mediterraneu.

A) ¿Sabrías dicir qué continentes tienen costa col Mar Mediterraneu?

B) ¿Sabrías localizar nel mapa estos países que tienen costa col Mar Mediterraneu? Pon a caún el número que correspuenda

1. Italia	2. Turquía	3. Francia	4. Arxelia	5. Exiptu
6. España	7. Grecia	8. Marruecos	9. Siria	10. Croacia



Fonte del mapa: d-maps.com

El viaxe de Covaletti

ACTIVIDAD 6

La ma de Covaletti recita unos versos d'un poema mui famosu que diz asina:

*La princesa ta triste, ¿qué tendrá la princesa?
Los suspiros escapen de la so boca de fresa
Que perdió la risa, que perdió'l color...*

Investiga sobre'l poema y contesta a les preguntes de más p'abaxo:

- ¿Cómo se titula?




.....

- ¿Cómo se llama l'autor? ¿De qué país ye? ¿En qué añu nació y cuando morrió?

.....
.....
.....

ACTIVIDAD 7.

A) A lo llargo de les sos adventures, Covaletti atópase con dellos animales: ballenes, tiburones, elefantes, goriles, tigres... y tamién con estos tres. ¿Cómo se llamen n'asturianu? Fai memoria: oyístilo na obra.

		
1. G.....	2. C.....	3. T.....

Fonte de les imáxenes: Pixabay.com (Licencia CC)

B) clasifica caún d'estos animales (los de les imáxenes y los qu'apaecen nel enunciáu) según la categoría a la que perteneza:

- Mamíferos:
- Reptiles:
- Aves:
- Pexes:

Palabres nueves, palabres vieyes

Vamos deprender unes palabres que salieron na obra. ¿Alcuérdeste d'estes frases?

- 1) VIEYU ISMAEL: ¡El pequeñu Covaletti! ¡Cómo **espoxigasti!**
- 2) VIEYU ISMAEL: ¡Tate **sollerte!** Tienes que dir navegando hasta la costa de Balonia en direccón sur-suroeste...
- 3) COVALETTI (cuando diba navegando p'hacia Balonia): Tovía nun **columbro** la costa.
- 4) COVALETTI (cuando diba navegando de vuelta): ¡Pero que ye esto! ¡Paez una **torbonada!** ¡Estes oles son xigantes!
- 5) COVALETTI (cuando cai al mar): Agora toi equí, en metá del océanu... Y cada vez tengo más fríu... y más fame... ¡Quién me mandaría meteme nesti **enguedeyu!**
- 6) NARRADOR (cuando Covaletti garra la cuerda del globu): Agora Covaletti namás tenía qu'**esguilar** pela cuerda p'algamar la cesta.

ACTIVIDAD 8

Rellaciona cada palabra col so significáu p'amosar que les sabes:

- | | |
|--------------|---|
| 1) espoxigar | a) Un asuntu difícil y complicáu |
| 2) sollerte | b) Ver dalgo dende la distancia |
| 3) columbrar | c) Xubir per un sitiu usando les manes y los pies |
| 4) torbonada | d) Crecer, facese más grande y fuerte |
| 5) enguedeyu | e) Lluvia fuerte con munchu aire |
| 6) esguilar | f) Que tien tola atención puesta en daqué |

El viaxe de Covaletti

A) Usa la palabra que más nos convenga de les del exerciciu anterior pa rellenar los güecos d'estes oraciones

7

- 1) Dende'l pueblu d'Asiegu en Cabrales podemos _____ el picu Urriellu.
- 2) Si les riegues y les pones al sol, les plantes van _____.
- 3) El xuegu de los bolos ye mui guapu, pero paezme un _____ deprender les normes.
- 4) Cola _____ cayeron delles teyes del nostru teyáu.
- 5) Al cruciar la cai hai que tar bien _____.
- 6) Mira pa María, qué bien _____ pel árbol p'arriba.

ACTIVIDAD 9.

El país onde trescurre la historia de Covaletti llámase Hermetia. ¿D'ónde crees que vien esi nome? Busca nel diccionariu palabres qu'entamen por *herme-* y esplica qué tienen en común col país del cuentu.

Pista: si lo mires nel Diccionariu de la Llingua Asturiana online, disponible na direcció <http://www.academiadelalingua.com/diccionariu/index.php>, pues facer esta busca calcando na pestaña "Busca avanzada" y escribiendo nel recuadru: "Buscar palabres qu'entamen por..."

.....

.....

.....

.....

.....

.....

.....

.....

.....

.....

Y tu, ¿qué cuntes?

ACTIVIDAD 10.

8

A) Escueyi ún d'estos temes que te proponemos y escribi unes llinies cola to opinión y experiencia, o cunta-yoslo a les tos compañeres y compañeros

- A lo último, la princesa Tiolina recuperó l'allegría lleendo'l rellatu de les aventures de Covaletti. ¿Qué llibru, película o serie recomendaríes tu a una persona que ta triste? ¿Por qué? Cunta un poco de qué va.
- Covaletti diz que nel so viaxe deprendió que “lo que más felices pue facenos ye conocer a muncha xente, tener muchos amigos”. ¿Tas d'al cuerdu con él? ¿Qué te presta facer colos tos amigos y amigues? Escribi'l rellatu d'un día onde lo pasares bien con amigos y amigues: una escursión, un eventu deportivu, una fiesta, etc.